

黃帝內經素問卷之四十一

今六

黃帝內經素問補註釋文卷之四十一 令六

唐太僕令啓玄子王氷次註

宋光祿卿直祕閣林億等校正

宋守尚書屯田郎孫兆重改誤

氣交變大論篇

新校正云詳此論專明氣交之變乃五運

太過不及德化政令
災變勝復為病之事

黃帝問曰五運更治上應天基陰陽往復寒暑迎隨真邪相薄內外分離六經波蕩五氣傾移太過不及專勝兼并願言其始而有常名可得聞乎

暮三百六十五日四分日之一也專勝謂
五運主歲大過也兼并謂主歲之不及也
常名謂布化於太虛人身參應病之形診
也○新校正云按天元紀大論云五運相
襲而皆治之終暮之日周而復始又云五
氣運行各終暮日太始天元冊文曰萬物
資始五運終天即五運更治上應天暮之
義也

岐伯稽首再拜對曰昭乎哉問也是明道也
此上帝所貴先師傳之臣雖不敏往聞其旨

言非己心之生知備聞先人往古受傳之
遺旨也

帝曰余聞得其人不教是謂失道傳非其人
慢泄天寶余誠菲德未足以受至道然而衆
子哀其不終願夫子保於無窮流於無極余
司其事則而行之奈何

至道者非傳之難非知之艱行之艱聖人
愍念蒼生同居永壽故屈身降志請受於
天師太上貴德故後已先人苟非其人則
道無虛授黃帝欲仁慈惠遠博愛流行尊

道下身拯乎黎庶乃曰余司其事則而行
之也

岐伯曰請遂言之也上經曰夫道者上知天
文下知地理中知人事可以長久此之謂也
夫道者大无不包細无不入故天文地理

卷六

二

人事咸通○新校正云詳夫道者一節與
著至教論文重

帝曰何謂也岐伯曰本氣位也位天者天文
也位地者地理也通於人氣之變化者人事
也故大過者先天不及者後天所謂治化而

人應之也

三陰三陽司天司地以表定陰陽生化之
紀是謂位天位地也五運居中司人氣之
變化故曰通於人氣也先天後天謂生化
氣之變化所主時也大過歲化先時至不
及歲化後時至

帝曰五運之化大過何如

大過謂歲氣有餘也○新校正云詳大過
五化具五常政大論中

岐伯曰歲木大過風氣流行脾土受邪

木餘故土氣卑屈

民病飧泄食減體重煩冤腸鳴腹支滿上應
歲星

飧泄謂食不化而下出也脾虛故食減體
重煩冤腸鳴腹支滿也歲木氣大盛歲星

令六

三

光明逆守星屬分皆災也○新校正云按
藏氣法時論云脾虛則腹滿腸鳴飧泄食
不化

甚則忽忽善怒眩冒顛疾

凌犯大甚則過於金故目病○新校正云

按王機真藏論云肝脉大過則令人善怒
忽忽眩冒巔疾為肝實而然則此病不獨
木大過遇金自病肝實亦自病也

化氣不政生氣獨治雲物飛動草木不寧甚
而搖落反脅痛而吐甚衝陽絕者死不治上

應太白星

諸陽歲也木餘土抑故不能布政於萬物
也生氣木氣也大過故獨治而生化也風
不務德非分而動則太虛之中雲物飛動
草才不寧動而不止金則勝之故甚則草

木搖落也脅反痛木乘土也衝陽胃脉也
木氣勝而土氣乃絕故死也金復而太白
逆守屬星者危也其灾之發害於東方人
之內應則先害於脾後復肝也書曰滿招
損此其類也○新校正云詳此大過二化

言星之例有三木與土運先言歲鎮後言
勝己之星火與金運先言熒惑太白次言
勝己之星後再言熒惑太白水運先言辰
星次言鎮星後再言辰星兼見己勝之星
也

歲火大過炎暑流行金肺受邪

火不以德則邪害於金若以德行則政和平也

民病瘧少氣欬喘血溢血泄注下嗌噪耳聾
中熱肩背熱上應熒惑星

令六

四

少氣謂氣少不足以息也血泄謂泄利便
血也血溢謂血上出於七竅也注下謂水
利也中熱謂胃心中也背者胃中之府肩
接近之故胃心中及肩背熱也火氣大盛
則熒惑光芒逆臨宿屬分皆災也○新校

正云詳火盛而尅金寒熱交爭故爲瘧按
藏氣法時論云肺病者欬喘肺虛者少氣
不能報息耳聾嗑乾

甚則胷中痛脅支滿脅痛膺背肩胛間痛兩
臂內痛

新校正云按藏氣法時論云心病者胷中
痛脅支滿脅下痛膺背肩甲間痛兩臂內
痛

身熱骨痛而爲浸淫

火無德令縱熱害金水爲復讎故火自病

○新校正云按玉機真藏論云心脉大過則令人身熱而膚痛為浸淫此云骨痛者誤也

收氣不行長氣獨明雨水霜寒

今詳水字當作冰

今六

五

上應辰星

金氣退避火氣獨行水氣折之故雨零冰雹及偏降霜寒而殺物也水復於火天象應之辰星逆凌及寒灾於物也上辰星者常在日之前後三十度其灾發之當至南

方在人之應則內先傷肺後反傷心○新
校正云按五常政大論雨水霜寒作雨冰
霜雹

上臨少陰少陽火燔燔水泉涸物焦槁

新校正云按五常政大論云赫曦之紀上

徵而收氣後又六元正紀大論云戊子戊
午大徵上臨少陰戊寅戊申大徵上臨少
陽臨者大過不及皆曰天符

病反譫妄狂越欬喘息鳴下甚血溢泄不已

大淵絕者死不治上應熒惑星

諸戊歲也戊午戊子歲少陰上臨戊寅戊
申歲少陽上臨是謂天符之歲也大淵肺
脉也火勝而金絕故死火既大過又火熱
上臨兩火相合故形斯候熒惑逆犯宿屬
皆危○新校正云詳戊辰戊戌歲上見太
陽是謂天刑運故當盛而不得盛則火化
減半非大過又非不及也

歲土大過雨濕流行腎水受邪

土無德乃爾

民病腹痛清厥意不樂體重煩冤上應鎮星

腹痛謂大腹小腹痛也清厥謂足逆冷也
意不樂如有隱憂也土來刑水天象應之
鎮星逆犯宿屬則灾○新校正云按藏氣
法時論云腎病者身重腎虛者大腹小腹痛
清厥意不樂

全六

六

甚則肌肉萎足萎不收行善癢脚下痛飲發
中滿食減四支不舉

脾主肌肉外應曰支又其脉起於足中指
之端循核骨內側斜出絡肘故病如是○
新校正云按藏氣法時論云脾病者身重

善肌肉萎足萎不收行善癭脚下痛又玉
機真藏論云脾大過則令人四支不舉
變生得位

新校正云詳大過五化獨此言變生得位
者舉一而四氣可知也又以上王時月難
知故此詳言之也

藏氣伏化氣獨治之泉涌河衍涸澤生魚風
雨大至土崩潰鱗見于陸病腹滿瀉泄腸鳴
反下甚而大谿絕者死不治上應歲星

諸甲歲也得位謂季月也藏水氣也化土

氣也土化大過故水藏伏匿而化氣獨治
土勝木復故風雨大至水泉涌河渠溢乾
澤生漁濕既甚矣風又鼓之故土崩潰土
崩潰謂垣頽岸仆山落地入也河溢泉涌
枯澤水滋鱗物豐盛故見于陸也大谿賢

令六

七

脉也土勝而水絕故死木來折土天象逆
臨加其宿屬正可憂也○新校正云按藏
氣法時論云脾虛則腹滿腸鳴飧泄食不

月化

歲金大過燥氣流行肝木受邪

金暴虐乃爾

民病兩脅下少腹痛目赤痛皆瘍耳無所聞

兩脅謂兩乳下脅之下也少腹謂臍下兩

傍髀骨內也目赤謂白睛色赤也痛謂膠

痛也皆謂四際臉睫之本也

臉音檢

肅殺而甚則體重煩冤胃痛引背兩脅滿且

痛引少腹上應太白星

金氣已過肅殺又甚木氣內畏感而病生

金盛應天太白明大加臨宿屬必受災害

○新校正云按藏氣法時論云肝病者兩

脅下痛引少腹肝虛則目眈眈无所見耳
无所聞又玉機真藏論云肝脉不及則令
人胃痛引背下則兩脅胛滿

甚則喘欬逆氣肩背痛尻陰股膝髀膕胫足
皆病上應熒惑星

火氣復之自生病也天象示應在熒惑逆
加守宿屬則可憂也○新校正云按藏氣
法時論云肺病者喘欬逆氣肩背痛汗出
尻陰股膝髀膕胫足皆痛

收氣峻生氣下草木斂蒼乾凋隕病反暴痛

眩脅不可反側

新校正云詳此云反暴痛不言何所痛者按至真要大論云心脅暴痛不可反側則此乃心脅暴痛也

欬逆甚而血溢大衝絕者死不治上應太白

令二

八

星

諸庚歲也金氣峻虛木氣後刑火未來復則如是也欬謂已生枝葉欬附其身也大衝肝脉也金勝而木絕故死當是之候太白應之逆守星屬病皆危也○新校正云

按庚子庚午庚寅庚申歲上見少陰少陽
司天是謂天刑運金化滅半故當盛而不
得盛非大過又非不及也

歲水大過寒氣流行邪害心火
水不務德暴虐乃然

民病身熱煩心躁悸陰厥上下中寒譫妄心
痛寒氣早至上應辰星

悸心跳動也譫亂語也妄妄見聞也天氣
水盛辰星瑩明加其宿屬灾乃至○新校
正云按陰厥在後金不及復則陰厥有治

甚則腹大脛腫喘欬寢汗出憎風

新校正云按藏氣法時論云腎病者腹大
脛腫喘欬身重寢汗出憎風再詳大過五
化木言化氣不政生氣獨治火言收氣不
行長氣獨明土言藏氣伏長氣獨治金言
收氣峻生氣下水當言藏氣乃盛長氣失
政今獨亡者闕文也

今六

九

大雨至埃霧濛鬱上應鎮星

水盛不已爲土所乘故彰斯候埃霧濛鬱
土之氣腎之脉從足下上行入腹從腎上

貫肝鬲入肺中循喉嚨故生是病腎為陰
故寢則汗出而憎風也卧寢汗出即其病
也夫土氣勝折水之強故鎮星明盛昭其
應也

上臨大陽雨米雪霜不時降濕氣變物

新校正云按五常政大論云流衍之紀上
羽而長氣不化又六元正紀大論云丙辰
丙戌大羽上臨大陽臨者大過不及皆曰
天符

病反腹滿腸鳴溏泄食不化

新校正云按藏氣法時論云脾虛則腹滿
腸鳴飧泄食不化

渴而妄冒神門絕者死不治上應熒惑辰星
諸丙歲也丙辰丙戌歲太陽上臨是謂天
符之歲也寒氣大甚故雨化而冰雪雨水

則雹也霜不時降彰其寒也土復其水則
大雨霖霖濕氣內深故物皆濕然變神門心
脉也水盛而火絕故死水盛火甚則熒惑
減曜辰星明瑩加以逆守宿屬則危亡也

○新校正云詳大過五化獨記火水之上

臨者火臨火水臨水為天符故也火臨水
為逆水臨木為順火臨土為順水臨土為
運勝天火臨金為天刑運水臨金為逆更
不詳出也又此獨言上應熒惑辰星舉比
一例餘從而可知也

今六

十

帝曰善其不及何如

謂政化少也○新校正云詳不及五化具
五常政大論中

岐伯曰悉乎哉問也歲木不及燥迺大行
清冷時至加之薄寒是謂燥氣深金氣也

生氣失應草木晚榮

後時之謂失應也

肅殺而甚則剛木辟著柔萎蒼乾上應太白
星

天氣淒愴日見朦昧謂雨非雨謂晴非晴
人意慘然氣象凝斂是爲肅殺甚也剛勁
硬也辟著謂辟著枝莖乾而不落也柔奕
也蒼青也柔木之葉青色下變而乾卷也
木氣不及金氣乘之太白之明光芒而照
其空也

民病中清脘脅痛少腹痛腸鳴溏泄涼雨時
至上應太白星

新校正云按不及五化民病證中上應之
星皆言運星失色畏星加臨宿屬為災此
獨言畏星不言運星者經文闕也當云上

令六

十一

應太白星歲星

其穀蒼

金氣乘木肝之病也乘此氣者腸中自鳴
而溏泄也即無脘脅少腹之痛疾也微者
善之甚者止之遇夏之氣亦自止也遇秋

之氣而復有之涼雨時至謂應時而至也
金土齊化故涼雨俱行火氣來復則夏雨
少金氣勝木太白臨之加其宿屬分皆災
也金勝畢歲火氣不復則蒼色之穀不成
實也○新校正云詳中清胫脅痛少腹痛
為金乘木肝病之狀腸鳴澹泄乃脾病之
證蓋以木少脾土無畏侮反受邪之故也
上臨陽明生氣失政草木再榮化氣廼急上
應太白鎮星其主蒼旱

諸丁歲也丁卯丁酉歲陽明上臨是謂大

刑之歲也金歲承天下勝於木故生氣失
政草木再榮生氣失政故木華晚啓金氣
抑木故秋夏始榮結實成熟以化氣急速
故晚結成就也金氣勝木天應同之故大
白之見光芒明盛木氣既少土氣無制故

化氣生長急速木少金勝天氣應之故鎮
星太白閏而明也蒼色之物又早凋落木
少金乘故也○新校正云按不及五化獨
紀木上臨陽明土上臨厥陰水上臨太陰
不紀木上臨厥陰土上臨太陰金上臨陽

明者經之旨各紀其甚者也故於大過運
中只言火臨火水臨水此不及運中只言
木臨金土臨水水臨土故不言厥陰臨木
太陰臨土陽明臨金也

復則炎暑流火濕性燥柔脆草木焦槁下體

令六

十二

再生華實齊化病寒熱瘡瘍痲疹癰瘰上應
熒惑太白其穀白堅

火氣復金夏生大熱故萬物濕性時變為
燥流火爍物故柔脆草木及蔓延之類皆
上乾死而下體再生若辛熱之草死不再

生也小熱者死少大熱者死多火大復已
土氣間至則涼雨降其酸苦甘鹹性寒之
物乃再發生新開之與先結者齊承化而
成熟火復其金太白減曜熒惑上應則溢
光芒加其宿屬則皆災也以火反復故白
堅之穀秀而不實

白露早降收殺氣行寒雨害物蟲食甘黃脾
土受邪赤氣後化心氣晚治上勝肺金白氣
迺屈其穀不成欬而歛上應熒惑太白星
陽明上臨金自用事故白露早降寒涼大

至則收殺氣行以大陽居上濕之位寒濕
相合故寒雨害物少於成實金行伐木假
途於土子居母內蟲之象也故甘物黃物
蟲蠹食之清氣先勝熱氣後復復已乃勝
故火赤之氣後生化也赤後化謂草木赤

令六

十三

華及赤實者皆後時而再榮秀也其五臟
則心氣晚王勝於肺心勝於肺則金之白
氣乃屈退也金穀稻也孰鼻中水出也金
為火勝天象應同故太白芒滅螢惑益明
歲火不及寒迺大行長政不用物榮而下凝

慘而其甚則陽氣不化迺折榮美上應辰星
火少水勝故寒乃大行長政不用則物容
卑下火氣既少水氣供盛天象出見辰星
益明

民病胷中痛脅支滿兩脅痛膺背肩胛間及
兩臂內痛

新校正云詳此證與火大過甚則反病之
狀同傍見藏氣法時論

鬱冒朦昧心痛暴瘖胷腹大脅下與腰背相
引而痛

新校正云按藏氣法時論云心虛則胷腹
大脅下與腰背相引而痛

甚則屈不能伸髀解如別上應熒惑辰星其
穀丹

諸癸歲也患以其脉行於是也火氣不行
寒氣禁固髀解如別屈不得伸水行乘火
故熒惑芒滅丹穀不成辰星臨其宿屬之
分則皆灾也

復則埃鬱大雨且至黑氣廼辱病驚瀉腹滿
食飲不下寒中腸鳴泄注腹痛暴攣痿痺足

不任身上應鎮星辰星玄穀不成

埃鬱雲雨土之用也復寒之氣必以濕濕

氣內淫則生腹疾身重故如是也黑氣水

氣也辱屈辱也鶩鴨也上復於水故鎮星

明潤臨犯宿屬則民受病灾

鶩音木

今六

十四

歲土不及風迺大行化氣不令草木茂榮飄揚而甚秀而不實上應歲星

木無德也木氣專行故化氣不令生氣獨

擅故草木茂榮飄揚而甚是木不以德土

氣薄少故物實不成不實謂糝惡也土不

及木乘之故歲星之見潤而明也

民病飧泄霍亂體重腹痛筋骨繇復肌肉喎
酸善怒藏氣舉事蟄蟲早附咸病寒中上應

歲星鎮星其穀斡

諸已歲也風客於胃故病如是土氣不及

水與齊化故藏氣舉事蟄蟲早附於陽氣

之所人皆病中寒之疾也繇搖也筋骨搖

動已復常則已繇復也土抑不伸若歲星

臨宿屬則皆灾○新校正云詳此文云筋

骨繇復王氏雖注義不可解按至真要大

論云筋骨絲併疑此復字併字之誤

復則收政嚴峻名木蒼凋骨脅暴痛下引少

腹善大息蟲食甘黃氣客於脾斡穀廼減民

食少失味蒼穀廼損

金氣復木故名木蒼凋金入於土母懷子

今六

十五

也故甘物黃物蟲食其中金入土中故氣

客於脾金氣大來與土仇復故斡咸實穀

不成也

上應太白歲星

太白芒盛歲減明也 經少此六字缺文

上臨厥陰流水不冰蟄蟲來見藏氣不用白
迺不復上應歲星民迺康

己巳己亥歲厥陰上臨其歲少陽在泉火
司于地故蟄蟲來見流水不冰也金不得
復故歲星之象如常民康不病○新校正

云詳木不及上臨陽明水不及上臨太陰
俱後言復此先言復而後舉上臨之候者
蓋白乃不復嫌於此年有復也

歲金不及炎火迺行生氣迺用長氣專勝庶
物以茂燥爍以行上應炎惑星

火不務德而襲金危炎火既流則夏生大
熱生氣舉用故庶物蕃茂燥爍氣至物不
勝之爍勝之爍石流金涸泉焦草山澤燔
燎雨乃不降炎火大盛天象應之熒惑之
見而大明也

民病肩背督重鼻嚏血便注下收氣迺後上
應太白星其穀堅芒

諸乙歲也督謂悶也受熱邪故生是病收
金氣也火先勝故收氣後火氣勝金金不
能盛若熒惑逆守宿屬之分皆受病○新

校正云詳其穀堅芒白色可見故不云其
穀白也經云上應太白以前後例相照經
脫熒惑二字及詳王注言熒惑逆守之事
益知經中之闕也

復則寒雨暴至迺零冰雹霜雪殺物陰厥且

今六

十六

格陽反上行頭腦戶痛延及腦頂發熱上應
辰星

新校正云詳不及之運剋我者行勝我者
之子來復當來復之後勝星減曜復星明
大此只言上應辰星而不言熒惑者闕文

也當云上應辰星熒惑

丹穀不成民病口瘡甚則心痛

寒氣折火則見冰雹霜雪冰雹先傷而霜
雪後損皆寒氣之常也其災害乃傷於赤
化也諸不及而為勝所犯子氣復之者皆
歸其方也陰厥謂寒逆也格至也亦拒也
水行排火以救困金天象應之辰星明瑩
赤色之穀為霜雹損之

歲水不及濕乃大行長氣反用其化迺速暑
雨數至上應鎮星

濕大行謂數雨也化速謂物早成也火濕
齊化故暑雨數至乘水不及而土勝之鎮
星之象增益光明逆凌留犯其又甚矣

民病腹滿身重濡泄寒瘍流水腰股痛發膈
膈股膝不便煩寃足痿清厥脚下痛甚則肘

金六

十七

腫蕪氣不政腎氣不衡上應辰星其穀秬

蕪氣不能申其政令故腎氣不能內致和

平衡平也辰星之應當減其明或遇鎮星

上臨宿屬者乃災○新校正云詳經云上應

辰星注言鎮星以前後例相校此經闕鎮

星二字言應星以首於河時效也
上臨大陰則大寒數舉蟄蟲早藏地積堅冰
陽光不治民病寒疾於下甚則腹滿浮腫上
應鎮星

新校正云詳木不及上臨陽明上應太白

鎮星此獨言鎮星而不言熒惑者文闕也
蓋水不及而又上臨太陰則鎮星明盛以
應土氣專盛水既益弱則熒惑無畏而明

大

其主穀

其諸辛歲也辛丑辛未歲上臨太陰太陽在
泉故大寒數舉也土氣專盛故鎮星益明
斡殺應天歲成也

復則大風暴發草偃木零生長不鮮面色時
變筋骨併辟肉潤瘰目視眊眊物踈豐肌肉

胗發氣并鬲中痛於心腹黃氣廼損其穀不
登上應歲星

木復其土故黃氣反損而斡穀不登也謂
帝實不成無以登祭器也木氣暴復歲星下

臨宿屬分者灾○新校正云詳此當云上

應歲星鎮星

墨音問

帝曰善願聞其時也岐伯曰悉乎哉問也木

不及春有鳴條律暢之化則秋有霧露清涼
之政春有慘悽殘賊之勝則夏有炎暑燔爍
之復其青東

令六

十八

大化和氣也勝金氣也復火氣也火復於金
悉因其木故灾眚之作皆在東方餘眚同
○新校正云按木火不及先言春夏之化
秋冬之政者先言木火之化次言勝復

之變也

其變也

其藏肝其病內含胠脅外在關節

東方肝之主也

火不及夏有炳明光顯之化則冬有嚴肅霜
寒之政夏有慘悽凝冽之勝則不時有埃昏
大雨之復其菁南

化火德也勝水虛也復土變也南方火也

其藏心其病內含膺脅外在經絡

南方心之主也

土不及四維有埃雲潤澤之化則春有鳴條
鼓拆之政四維發振拉飄騰之變則秋有肅

殺霖霽之復其眚四維

東南東北西南西北方也維隅也謂日在四隅月也○新校正云詳土不及亦先言

政化次言勝復也

其藏脾其病內舍心腹外在肌肉四支

令六

十九

四維中央脾之主也

金不及夏有光顯鬱蒸之令則冬有嚴凝整肅之應夏有炎爍燔燎之變則秋有冰雹霜雪之復其眚西其藏肺其病內舍膺脅肩背

外在皮毛

西方肺之主也

水不及四維有湍濶埃雲之化則不時有和
風生發之應四維發埃昏驟注之變則不時
有飄蕩振拉之復其眚北

飄蕩振拉大風所作○新校正云詳金水

不及先言火土之化今與應故不當秋冬
而言也次言者火土勝復之變也與木火
土之例不同者互文也

其藏腎其病內舍腰脊骨髓外在谿谷踠膝
肉之大會為谷肉之小會為谿肉分之間

谿谷之會以行榮衛以會大氣

夫五運之政猶權衡也高者抑之下者舉之
化者應之變者復之此生長化成收藏之理
氣之常也失常則天地四塞矣
失常之理則天地四時之氣間塞而無所

運行故動必有靜勝必有復乃天地陰陽
之道

故曰天地之動靜神明爲之紀陰陽之往復
寒暑彰其兆此之謂也

新校正云按故曰已下與五運行大論同

上兩句又與陰陽應象大論文重彼云陰陽之升降寒暑彰其兆也

帝曰夫子之言五氣之變四時之應可謂悉矣夫氣之動亂觸遇而作發無常會卒然灾合何以期之岐伯曰夫氣之動變固不常在

今六

二十

而德化政令灾變不同其候也帝曰何謂也岐伯曰東方生風風生木其德敷和其化生榮其政舒啓其令風其變振發其灾散落

敷布也和和氣也榮滋榮也舒展也啓開也振怒也發出也散謂物飄零而散落也

○新校正云按五運行大論云其德為和
其化為榮其政為散其令宣發其變摧拉
其眚為隕義與此通

南方生熱熱生火其德彰顯其化蕃茂其政
明曜其令熱其變銷爍其灾燔燹

新校正云詳五運行大論云其德為顯其
化為茂其政為明其令鬱蒸其變交爍其
眚燔燹

中央生濕濕生土其德溥蒸其化豐備其政
安靜其令濕其變驟注其灾霖潰

溽濕也蒸熱也驟注急雨也霖久雨也潰
門泥也○新校正云按五運行大論云其
德為濡其化為盈其政為謚其令雲雨其

變動注其音淫潰謚音

西方生燥燥生金其德清潔其化緊斂其政

今六

二十一

勁切其令燥其變肅殺其災蒼隕

緊縮也斂收也勁銳也切急也燥乾也肅

殺謂風動草樹聲若乾也殺氣大甚則木

青乾而落也○新校正云按五運行大論

云其德為清其化為斂其政為勁其令霧

露其變肅殺其眚蒼落

北方生寒寒生水其德淒滄其化清謚其政
凝肅其令寒變凜冽其灾冰雪霜雹

淒滄薄寒也謚靜也肅中外嚴整也凜冽
甚寒也冰雪霜雹寒氣凝結所成水復火

則非時而有也○新校正云按五運行大
論云其德爲寒其化爲肅其政爲靜其變
凝冽其眚冰雹

是以察其動也有德有化有政有令有變有
灾而物由之而人應之也

夫德化政令和氣也其動靜勝復施於萬物皆悉生成變與灾殺氣也其用暴速其動驟急其行損傷雖皆天地自爲動靜之用然物有不勝其動者且損且病且死焉帝曰夫子之言歲候不及其大過而上應五星今夫德化政令灾眚變易非常而有也卒然而動其亦爲之變乎岐伯曰承天而行之故無妄動無不應也卒然而動者氣之交變也其不應焉故曰應常不應卒此之謂也德化政令氣之常也灾眚變易氣卒交會

而有勝負者也嘗謂歲四時之氣不差畧刻者不常不久也

帝曰其應奈何岐伯曰各從其氣化也

歲星之化以風應之熒惑之化以熱應之鎮星之化以濕應之太白之化以燥應之

令六

二十二

辰星之化以寒應之氣變則應故各從其氣化也上文言復勝皆上應之今經言應常不應卒所謂無大變易而不應然其勝復當色有枯燥潤澤之異無見小大以應

之

帝之其計之命無並孰何岐伯曰曰以應

帝曰其行之徐疾逆順何如岐伯曰以道留
久逆守而小是謂省下

以道謂順行留久謂過應留之日數也省

下謂察天下人君之有德有過者也

以道而去去而速來曲而過之是謂省遺過

也

順行已去已去輒逆行而速委曲而經過

是謂遺其過而輒省察之也行急行緩往

多往少蓋謂罪之有大有小按其遺而斷

之

久留而環或離或附是謂議灾與其德也

環謂如環而遶盤迴而不去也火議罪金

議殺土木水議德

應近則小應遠則大

近謂犯星常在遠謂犯星去久大小謂喜

令六

二十三

慶及罰罪事

芒而大倍常之一其化甚大常之二其害即

也

甚謂政令大行也發謂起也即至也金火

有之

小常之一其化減小常之二是謂臨視省下
之過與其德也

省謂省察萬國人吏侯王有德有過者也
故侯王人吏安可不深思誠慎耶
德者福之過者伐之

有德者則天降福以應之有過者天降禍
以淫之則知禍福無門惟人所召耳

是以象之見也高而遠則小下而近則大

見物之理也

故大則喜怒邇小則禍福遠

象見高而小既未即禍亦未即福象見下
而大福既不遠禍亦未遙但當修德省過
以候厥終苟未能慎禍而務求福祐豈有
是者哉

歲運大過則運星北越

火運火星木運木星之類也北越謂北而
行也

運氣相得則各行以道

無剋伐之嫌故守常而各行於中道

故歲運大過畏星失色而兼其母

木失色而兼玄火失色而兼蒼土失色而
兼赤金失色而兼黃水失色而兼白是謂
兼其母也

不及則色兼其所不勝

木兼白色火兼玄色土兼蒼色金兼赤色

今六

二十四

水兼黃色是謂兼不勝也

肖者瞿瞿莫知其妙閔閔之當孰者為良

帝新校正云詳肖者至為良與靈蘭秘典論

重彼有注

妄行無徵示畏侯三

不識天意心私度之妄言灾咎卒無徵驗
適足以示畏之兆於侯王榮惑於庶民矣
帝曰其灾應何如岐伯曰亦各從其化也故
時至有盛衰凌犯有逆順留守有多少形見
有善惡宿屬有勝負徵應有吉凶矣

五星之至相王為時盛囚死為衰東行凌
犯為順灾輕西行凌犯為逆灾重留守日
多則灾深留守日少則灾淺星喜潤則為
見善星怒燥憂喪則為見惡宿屬謂所生
月之屬二十八宿及十二辰相分所屬之

位也命勝星不災不害不勝星為災小重
命與星相得雖災無害災者獄訟疾病之
謂也雖五星凌犯之事時遇星之囚死時
月雖災不成然火犯留守逆臨則有誣譖
獄訟之憂金犯則有刑殺氣鬱之憂木犯

今六

二十五

則有震驚風鼓之憂土犯則有中滿下利
胛腫之憂水犯則有寒氣衝搖之憂故曰
徵應有吉凶也

帝曰其善惡何謂也岐伯曰有喜有怒有憂
有喪有澤有燥此象之常也必謹察之

夫五星之見也從夜深見之人見之喜星
之喜也見之畏星之怒也光色微曜乍明
乍暗星之憂也光色迫然不彰不瑩不與
衆同星之喪也光色圓明不盈不縮怡然
瑩然星之喜也光色勃然臨人芒彩滿溢
其象慄然星之怒也澤洪潤也燥乾枯也
帝曰六者高下異乎岐伯曰象見高下其應
一也故人亦應之

觀象觀色則中外之應人天咸一矣

帝曰善其德化政令之動靜損益皆何如岐

伯曰夫德化政令灾變不能相加也

天地動靜陰陽往復以德報德以化報化

政令灾膏及動復亦然故曰不能相加也

勝復盛衰不能相多也

勝盛復盛勝微復微不應以盛報微以化

報變故曰不能相多也

往來小大不能相過也

勝復日數多少皆同故曰不能相過

用之升降不能相無也

木之勝金必報火土金水皆然未有勝而

無報者故氣不能相使無也

各從其動而復之耳

動必有復察動以言復也易曰吉凶悔吝
生乎動此之謂歟天雖高不可度地雖廣
不可量以氣動復言之其猶視掌矣

合六

二十六

帝曰其病生何如岐伯曰德化者氣之祥政
令者氣之章變易者復之紀灾眚者傷之始
氣相勝者和不相勝者病重感於邪則至也
帝祥善應也章程也式也復紀謂報復之綱
紀也重感謂年氣已不及天氣又見剋殺

之氣是爲重感重謂重累也

帝曰善所謂精光之論大聖之業宣明大道
通於無窮究於無極也余聞之善言天者必
應於人善言古者必驗於今善言氣者必彰
於物善言應者同天地之化善言化言變者
通神明之理非夫子孰能言至道歟

大過不及歲化無窮氣交遷變流於無極
然天垂象聖人則之以知吉凶何者歲大
過而星大或明瑩歲不及而星小或失色
故吉凶可指而見也吉凶者何謂物稟五

常之氣以生成莫不上參應之有否有宜
故曰吉凶斯至矣故曰善言天者必應於
人也言古之道而今必應之故曰善言古
者必驗於今也化氣生成萬物皆稟故言
氣應者以物明之故曰善言應者必彰於

合六

二十七

物也彰明也氣化之應如四時行萬物備
故善言應者必同天地之造化也物生謂
之化物極謂之變言萬物化變終始必契
於神明運爲故言化變者通於神明之理
聖人智周萬物無所不通故言必有發動

無不應之也

迺擇良兆而藏之靈室每旦讀之命曰氣交
變非齋戒不敢發慎傳也

靈室謂靈蘭室黃帝之書府也○新校正
云詳此文與六元正紀大論未同

黃帝內經素問補註釋文卷之四十一共



